

Sagafilm ehf.
B.t. Chanel Bjarkar Sturludóttur
Urðarhvarf 14
203 Kópavogur

Reykjavík 22. maí 2018
UST201805-191/I.M.B.
09.06.01

Efni: Umsókn um kvikmyndatökuleyfi - Snæfellsjökull

Umhverfisstofnun hefur móttengið umsókn Sagafilm ehf, dagsett 17. maí 2018, um leyfi til kvikmyndatöku innan þjóðgarðsins Snæfellsjökuls dagana 25.-26. maí 2018.

Þjóðgarðurinn Snæfellsjökull var stofnaður 28. júní 2001 og um hann gilda ákvæði 47. og 82. gr. laga um náttúruvernd nr. 60/2013 auk ákvæða reglugerðar nr. 568/2001 um þjóðgarðinn Snæfellsjökul, eftir því sem þau geta átt við. Umhverfissráðherra staðfesti verndaráætlun þjóðgarðsins Snæfellsjökuls 15. júní 2010 í samræmi við 22. gr. reglugerðarinnar.

Leyfi Umhverfisstofnunar þarf fyrir hvers konar atvinnustarfsemi í þjóðgarðinum samkv. 17. gr. reglugerðarinnar. Öllum er skylt að ganga vel og snyrtilega um. Ekki má spilla þar gróðri, trufla dýralíf né hrófla við jarðmyndunum. Úrgangi skal komið fyrir í sérstökum sörpílátum, enda er óheimilt að fleygja úrgangi eða grafa hann, sbr. 7. gr. reglugerðar nr. 568/2001.

Lýsing verkefnis:

Sótt er um leyfi fyrir kvikmyndatöku á Öxi og á toppi Snæfellsjökuls dagana 25.-26. maí 2018. Sett verður upp aðstöðutjald og salernistjald við hrygginn neðan við topp jökulsins. Notaðar verða þrjár 2kW rafstöðvar og tekur hver þeirra 8 lítra af bensíni. Að öðru leiti er búnaður verkefnisins þrjár myndavélar og aukahlutir fyrir þær. Starfsmenn verkefnisins eru 28 manns auk þriggja jöklaleiðsögumanna sem verða með hópnum á meðan tökum stendur. Fer fólkið á jökulinn með snjóbilum frá ferðaþjónustufyrirtækjum á svæðinu. Gert er ráð fyrir að fara upp á jökulinn að morgni og til baka um eftirmiðdaginn.

Áhrifamat:

Um er að ræða framkvæmd sem Umhverfisstofnun telur litlar líkur á að valdi spjöllum eða raski á jöklinum ef rétt er að verki staðið og þeim skilyrðum sem Umhverfisstofnun setur sé fylgt. Þá telur stofnunin litlar líkur á að framkvæmdin muni hafa neikvæð áhrif á verndargildi þjóðgarðsins.

Skilyrði:

Umhverfisstofnun veitir fyrir sitt leyti leyfi fyrir kvikmyndatöku á Sæfellsjökli að uppfylltum eftirfarandi skilyrðum:

- Tilkynna skal til Umhverfisstofnunar hvenær undirbúningur fyrir verkefnið hefst og þegar því lýkur.
- Hafa skal leyfi þetta meðferðis á meðan tökum stendur.
- Umhverfisstofnun skal tilkynnt um öll frávik við áður útgefna verkefnalýsingu.
- Verði breytingar á tímasetningu verkefnis skal það tilkynnt til Umhverfisstofnunar með að minnsta kosti 5 daga fyrirvara, sé þess kostur. Að öðru leyti eins fljótt og auðið er.
- Gæta skal að mengunarvörnum rafstöðvanna og þess gætt að olía, bensín eða annar mengandi vökvi berist ekki í jökulinn.
- Starfsmenn verkefnisins gangi snyrtilega um svæðið og þess gætt að allt rusl, úrgangur og búnaður verði fjarlæggt.
- Vandað verði við frágang eftir að verki lýkur.
- Kynna skal fyrir starfsfólki þau skilyrði sem fylgja leyfinu áður en undirbúningur og vinna hefst.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.


Leyfisgjald:

Umhverfisstofnun innheimtir gjald vegna vinnslu og afgreiðslu umsóknar um leyfi á friðlýstum svæðum á grundvelli 1. mgr. 92. gr. laga nr. 60/2013 um náttúruvernd. Gjald fyrir vinnslu umsóknar vegna ljós- og kvikmyndatöku á friðlýstum svæðum er kr. 52.600.- sbr. 24. gr. b. gjaldskrá Umhverfisstofnunar nr. 535/2015.


Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt



Sigrún Ágústsdóttir
Sviðsstjóri



Jón Björnsson
Þjóðgarðsvörður